

二安亭遺稿



蘇學二卷言朴出免汲

之九十年四年玄孫雨

萬世其志(著)詩三千

一篇辭一篇文十七篇東

西二小卷屠族人兩喜登



正而騰印而雨喜又別為  
雨為清序於未今天下衆  
乳日赫人家文法方背就  
湮滅之不之而只詩文昭姓  
晦而後顯若此可招奇矣  
余為公月里後生義不敢







悔辱除司憲府執義我司	諫院司諫成均館司藝監	官府都正並不執事在天	賦恬澹弓執事音離榮為	之大善者然雷突特 <small>菴</small> 謹	一清操而已哉先心管自語
------------	------------	------------	------------	-----------------------------	-------------



而誇人文未之教讀以詩文  
乃益悅然而覺愧然而感  
吾何者以詩文例多安分  
樂道之之言而至於家訓  
士則未決篇著言尤深大  
都難為子弟學沒教而誅



夫深尖力變而予之手已者  
決不能造之切矣如彼其  
媿也詩云如切如磋如琢  
如磨傳又云礪而銛之膠  
而羽之蓋以公及於安性而  
加之學心之功培養本原蒸



出英華省字其出交以  
推之而不失其正也向者  
朱程公詩文之所而後顯  
若其初友者尤也至之欲  
借以以敬其古之慎之未  
必其在理也乃此政公詩



文所以悔而後歎而得其所  
詩如去之廣成小春等載  
寧李一海序



二安亭遺稿目錄

卷之一

詩

大王大妃殿 誕辰展進 御製詩

嶺山別業二首

金湖別庄

烟居卽事

遊白雲洞姜友簡汝 先咏絕句續而和之

次舞雩亭韻二首

次權威從子華 水月洞移居韻



將赴斗陽講會中途得疾回還作此示悶

挽崔禹佐

榮準

次奉事族叔

膺臣

回香韻

挽族姪義善

寅浩

挽宗兄

受麟二首

挽梁伯恒

泰源

挽總弟景老

行鎮

挽姜丈

龍永

挽權

翼行

挽盧參判

光斗



哭再從弟郡守 正銀

挽權丈

挽權仲必 二首

挽族弟曄容 受晦二首

追次姜殷烈公影堂重修落成韻

挽柳景瑞

次河能仲 啓賢默窩韻并序

贈族姪

山村望遠

次耕隱堂韻



勸學

呈方伯

柳校理宜自遷葬挽

挽柳正郎基賢二首

庚午臘月立春與友人會新安書社宜寧權注書

鳳熙亦叅會

辛未除夕遊印橋權氏齋室

挽韓管將

江樓書社立春

次知樞金丈德龍壽職慶宴韻



挽盧勿齋 光履

挽權友

次龍仁族人壽資及回卷韻

挽權子華

挽權雲老

挽韓穉賢 鎮佑

辭

續歸去來辭

卷之二

序



二安亭自序

家訓序

記

素窩記

恒窩記

雜著

家訓

敦倫叙

明義理

謹言行



勤講學

節財用

戒飲酒

遠雜技

懲忿怒

嚴閨範

士則

家政

擇友

勸學



上梁文

峨嵋陽新舍上梁文

告辭 祭文

文江城君碑閣創建告辭

祭權學卿 秉漢文

祭再從叔 基亨文

墓碣銘

成均進士文公墓碣銘 并序

行狀

懼富李公行狀



耕隱朴公行狀

祖考慮士誠窩府君行記

記長子婦柳氏孝行

卷之三

附錄

挽章

祭文

行錄

行狀

墓碣銘

并序



二安亭遺稿目錄



二安亭遺稿卷之一

詩

大王大妃殿

誕辰展進

御製詩

哲廟甲寅五月十五日 純元王后

六旬有六 誕辰既設者老科仍頒下 御製詩一  
絕 命近侍諸臣唐載時以右通禮同侍 法筵

彤霞盈溢祝岡杯長樂清晨獻壽頌 聖澤如天涵萬物

春臺瑞日法筵開

岷山別業二首

岷岡卜築爲林泉緩步尋尋一逕穿新鬢水聲深夜後未  
開花意早春前時催頑僕謀耕穫又勸穉兒讀聖賢夢想  
不遊名利際山家誰識有真仙



自愛佳山倚小軒烟霞界裏淡孤村幽居自有伸眉樂要  
路誰能競足奔新月漸從峯頂出暮禽長向竹林喧傍人  
不解翁心事謾把浮雲說話煩

金湖別庄

丹崖翠壁繞吾廬天作靈區別有居分外功名眞草芥閒  
中趣味有樵漁桃花出洞仙源近梧月當窓世慮疎幸卜  
田園山水裏徐筇日日步當車

幽居卽事

茅簷瑞晷影遲遲倚枕看書懶睡時本自居家昧見識那  
由出世望親知蓑衣箬笠漁翁趣蘿月松風隱士宜暢叙



幽情屬又咏金湖山水儘清奇

遊白雲洞姜友簡汝

先咏絕句續而和之

青藜步白雲懸瀑落紛紛圍坐水聲裏翛然洗我煩

次舞雩亭韻二首

亭在永縣卽懶窩李進士手植  
納也鄉人慕德愛樹築土爲壇

景仰先生愛此亭高高直立澗之汀流光幾逐星霜變餘  
澤頻回榦葉青除地築壇由志喜咏風弄月替吟經百年  
杖屨逍遙處後學來尋警咳馨

衿珮青青映水濱會須曾點一般春動開講習成來學廣  
設壇壇驗里仁桓斧不侵風韻遠召棠勿剪咏歌頻濃陰  
洒落綸巾整起想千年見得眞



次權戚從子華

水月洞移居韻

莫歎高才滯下流  
蘇翁勝蹟耀千秋  
松兼竹菊開三迳  
樽與琴書共一舟  
最愛清風多赤壁  
不妨名士遠滄洲  
移從幽境真源得  
盡日逍遙適意遊

將赴斗陽

姜殿烈公影堂所在

講會中途得疾回還作此示悶

先生一去渺雲烟  
遺像千秋享禮傳  
神理丁寧仁有報  
英靈恍惚儼臨前  
逢迎正合陽春晚  
醒醉無妨夜晝連  
偶有薪憂回竹杖  
翩翩行袂不相聯

挽崔禹佐

榮準

世事浮雲變四旬  
一夢中公車遠宿  
算井轄挹清風近  
築



心猶喜先歸理莫窮克家賢胤在尚幸數相從

次奉事族叔膺臣回香韻

仁享遐年信不虛兒孫秉燭掃茅廬繕工華爵賢男也滿  
軸瓊詩幾士歟父過重牢子况又新猶嘉悅舊何如折籌

繡出無疆字南極星臨萬歲居

公之子受晚筮仕之慶適同此時而公之先大人回香亦在數

十年前故篇內并及之

挽族姪義善寅浩

養真林泉樂性真雍容氣味座中春閒將碁局邀隣客靜  
對詩書友古人齒近六旬非夭札庭無一子獨悲辛螟兒  
克肖家聲繼餘慶知應日鼎臻



挽宗兄 受麟 二首

吾家南渡久并鄉百室瞻依大厦樑江左詩書中葉炳洛  
師軒冕本根長一生安分貧猶樂九壘遐齡壽且康父子  
弟兄零落地蔭流賢或後來昌

古家風韻未曾空先祖胄宗幸有公枌社從遊朝旭爛楸  
齋陪話夕陽紅兒孫蕃衍知仁報疾病沉綿柰命窮八十  
五年非謂促念關門戶涕濛濛

挽梁伯恒 泰源

兩家親誼厚世襲契金蘭話到從容際心多警發端厚德  
令人慕高標舉世權佳趣寓山水至樂在瓢簞間因遊京



洛邈焉會面難解官纔返棲委旆訪好顏頻煩離又合陸  
續往復還稻熟西疇下藟鄉東籬間傾困高談話跋燭倒  
肺肝卓爾先丈孝 恩教自長安偉哉佳胤業早登司馬  
班積善必餘慶門戶穩如磐云何无妄疾經秋未蘇完病  
革已無柰親朋瞻盡寒鴿原悲割牛鷲室哭影單岸幘道  
遙地林巒碧四寰吞聲草哀辭不禁淚汎瀾

挽總弟景老

行頌

門運何不幸天奪我景老十年燈燭下努力勤講討庶幾  
驥步展前期不草草有才必有用成名在晚早曾聞仁者  
壽胡爲无施報死別無不悲况君青年夭浮生三十六無



異過眼鳥曉日靈車發回鸞捲飛旒泉臺一幽閉長夜何  
時曉憐哉白髮親辛苦營宅兆罄室萬計無相對哀哀叫  
生死惣堪噫親朋不忍吊新生遺腹兒襁褓方嬉笑魂兮  
悲且慰身後猶堪紹孤墳荒四尺斜日隱林杪悽悽山泉  
鳴寒松爲墓表

挽姜丈 龍永

先君執友歲零落當世惟公享壽遐文藻雖工曾廢舉田  
園非窄不由奢家聲已著三殉節親誼方多再倚葭南極  
星光一夜晦哀詞題罷慟無涯

挽權

翼行



久因菰葛敦深契豈意峨眉忽斷絃一幅哀詞難盡語依  
依樑月夢中懸

挽盧參判

光斗

赫世多賢儁豐川好家聲松齋與信古紹前啓後生自是  
淵源正罔非嶽瀆精風儀標世德才識含彙征蚌胎無瑕  
玷圭璋夙琢成青氈守世業紅榜表姓名糾繩臺憲肅論  
說講筵明歷試官不次爭推望已傾經濟紆籌策啓沃輸  
忠貞才優困下邑恩化洽全城利器恢盤錯休治在慎清  
皓首還鄉里南極自有星退休天嶺下養湖清渭汀齒尊  
兼三達資高躋亞卿九旬架孺慕三世耀 恩榮戀 闕



憂進退御家有範型豈意斯須際蘭音遠爾驚荒山收爽  
氣寒日照丹旌後輩將安仰長懷鬱未平積善徵餘慶克  
家有寧馨那堪公私淚嗟惜共輿情秬應當日事收入史  
竹青

哭再從弟郡守 正續

那忍哭賢從無由詰彼蒼穎悟超凡例英邁出尋常倚重  
頽波柱材合大厦樑小官何展布下邑任棲遑浮世傷千  
變風燈幻一場荏苒青春暮蹉跎白髮長寫懷垂竿竹排  
悶舉盃觴窮冬天雨雪驟馬向洛陽造物多劇戲老病客  
殊方侵晨起旅館鼻疾返家鄉三時試針灸一夕棄褥牀



螟兒影單子鶴原跡踽涼痛爲衰門切情因老境傷曉漏  
纔將歇虞歌遽已忙題詞臨祖道不禁涕泗滂

挽權丈

慕仰高風往攀頻匪徒先誼與姻親持心玉白無今世絕  
口雖黃似古人準擬高軒來更候那知仙駕遽催輪憐公  
累哭西河慟脩善平生未驗仁

挽權仲必 二首

有生必有死君死不堪悲泉下同兄弟人間柰婦兒花山  
古閩族退老好家規多少都何說含哀強題詞

嗚呼權仲必年少老成儀厚德令人慕高風舉世推準標



十室邑樛棟一門楣積善觀餘慶胤兒自秀眉

挽族弟暉容 受晦二首

吾門雅望有斯人養德林園白髮新  
螢雪幾經辛苦地詩書惟待立揚辰  
六旬年紀疑仁壽二個寧馨愍席珍  
萬事佳城歸一閉悲涼舊跡已成塵

勝景逢來往復還與君遊賞盡歡顏  
一泓流水松篁裏萬點飛雲洞壑間  
鳩社東洲春滿棹虎溪南畔月侵欄  
鳳鱗觜角何從得撫枕歎歎永夜鏢

追次姜殷烈公影堂重修落成韻

來尋廟宇栢陰中遺像千秋起敬同  
神理丁寧仁厚報英



靈悅惚儼高風推移步武新基勝重試規繩舊制通翰巧  
離明功告訖落成當日會西東

挽柳景瑞

世誼兼新契非徒里閭情信州古閩族潮老好家聲冰月  
無塵累圭璋夙琢成滄桑何足恨餘運在寧馨

次河能仲

啓賢

默窩韻

并序○癸亥

繁辭曰默而成之不言而信存乎德行何謂也蓋  
從古以來以言自多者凡幾多其人而懸河之辯  
止爲話美之具輔頰之咸徒得騰口之歸則妾婦  
而已豈丈夫之爲哉乃若有德之言則有異焉發



之罕而說之約不待英華之炫耀而已知蘊蓄之  
閎實觀乎先聖焉用佞之語可驗矣河友能仲早  
有確然之志不屑舉子業隱居巴山之陽取六經  
篇閩洛書我東先賢集俯讀仰思欣慕自得微言  
奧旨窮究力索探源溯流質之心而無疑反諸身  
而有得非其平日自勉之誠而能致此哉晚築精  
舍扁其楣曰默窩作詩以示志士友和者甚多是  
歲殷春之月余爲覺院享官將事既畢歷路訪入  
討論今古心多警發翁出瓊章因請續和余詩腹  
空枵而盛意不可孤遂忘拙續貂焉詩曰



扁軒何以默名言一默超然勝有言金口三緘遵古誡圭  
詩重復慎斯言靜中翰晦通先見皮裏春秋露不言萬事  
糾紛皆爾爾無言坐對百家言

贈族姪

強盛衰零井有時園花自早潤松遲散居湖嶺多生面偶  
接儀容最秀眉一氣流通還感愴百年搖落莫嫌疑明時  
况復登勳業努力應須到遠期

山村望遠

樵亭水近漁歌起瓦洞峯回草屋連試問桑麻逢歲老怡  
然時復數杯傳



次耕隱堂韵

生平不老有丹田古宅清風自授傳原野鑿耕纔數畝林  
樊邁軸已多年種耙播黍隨宜土晦跡韜名養性天無改  
簞瓢顏巷樂梧桐霽月坐蕭然

勸學

無論生學困知才一自誠明漸入佳先把正文詳玩索更  
將諸註細礎磨須勤晷刻期將進當勉今茲莫待來安坐  
耐煩方有得由吾用力不由他

呈方伯

門盈車轍主人開刺史風流此地多公事片言能決遣家



謨優學有傳來憩棠宣化同君爽舞彩承歡學老萊莫忘  
還朝前席日爲言汾晉有英才

柳校理宜自遷葬挽

移遷舊壙淑人隨復續初絃就吉基望重赤城生長地愛  
留玄邑去思碑忠深瀝血封章日學貴專心對冊時過規  
層峯那復說泉臺歸侍又賢兒

挽柳正郎基賢二首

惟君才器自童穉繼世攀龍際盛時黃驛 恩除無幾日  
未歸任所遽何之

父子同時葬一樹侍傍雖喜柰慈顏祖馬且休催曉發孝



魂方在去留間

庚午臘月立春與友人會新安書社宜寧權注書

亦叅會

新菜登盤酒滿甌  
宜春達士趁春遊  
重來佳境窮探討  
偶引詩朋浩唱酬  
回憶十年前日事  
渾疑一夢片時悠  
後庚何似先庚樂  
尋選風流老未休

辛未除夕遊印橋權氏齋室

二十餘賢愍大年  
相邀守歲水樓前  
存亡有異悲歡並  
醒醉無常夜晝連  
幸余乘興瀾橋雪  
偶此同舟河上仙  
莫道此間滋味薄  
主家盤已小奚傳







時恩數孰如賢滿堂華髮逢迎密繞膝斑衣屢舞仙想像  
旅酬工祝日洞斟兕勺拜君前

挽盧勿齋

光履

天嶺峨峨渭水溝百年間氣鍾先生家聲玉老松翁赫學  
術河岳雲谷明萬事如雲真缺界九旬流水卽佳城吁嗟  
後輩將安做悵望東雲涕自橫

挽權友

一瓢處巷安貧窶諸族成隣樂熾昌緒業繩繩賢胤在鵬  
程萬里待時揚

次龍仁族人壽資及回香韻



箕疇五福壽爲先上達楓宸爵自天通政華啣來降日回  
鬮盛禮設行年兒孫愍是螽斯羽賓客多叅燕喜筵座上  
能文人幾許哦詩題賀次相傳

挽權子華

衿清冰玉絕塵瑕生此花山孝友家造物多猜如劇戲年  
光有限若流河蘭蓀蕃衍知仁報蓼尤無靈柩命何曉漏  
丁東纔欲曙悲風悽切送虞歌

挽權雲老

書社聯燈講習窮司晨雞喔啓明東溯經百戰身先老抱  
玉三朝命未通可惜青年忙似矢無情華髮坐成蓬泉臺



雁影相隨處可復篋和墳唱同

挽韓穉賢

鎮佑

生平寡慾足當仙湖送光陰五十年兒登武榜追先業躬  
拋床書守舊氈我留京師違執紼通家誼在涕泣然

辭

續歸去來辭

甲寅以掌憲呈辭下鄉時作

歸去來兮慈母倚閭胡不歸既自以貧爲祿仕事多違而  
心悲顧疇昔之不諫冀斯後之可追悔不遠於復初悟前  
後之是非聽絳幘而理裝回白首而拂衣眷西顧而東驅  
晨光薄而風微才乏通敏性不競奔早出禁局遠訪衡門



桐江白鷺宿盟猶存雲安春色待我盈罇兒候門而競出  
慰遠役而懽顏開蠶編而興寓住蝸室而膝安同愚俗而  
自樂與名宦而不關臨清溪而細聽陟高岡而遠觀雲何  
心而朝出鳥有覺而夕還携竹竿而漁釣拄藜杖而盤桓  
歸去來兮請洗頰而遨遊君子貴乎素位復外此乎焉求  
羹藜藿而療飢煮茶茗而消憂農人莫告以春及無負郭  
之田疇清風繞屋明月滿舟叙幽情於雲洞付清趣於林  
丘喂青臚而登岸飲白犢而臨流思客事之久淹甘吾心  
之退休已矣乎人生少壯能幾時如水光陰不停留胡爲  
乎南征復北之花月三春約琴書百歲期循籬下而種菊



愛清香而耘耔尋幽景而舒嘯御清興而賦詩聊聽天而  
樂道事皆前定復奚疑

二安亭遺稿卷之一



二安亭遺稿卷之二

序

二安亭自序

汾城西五十里有峨峒山崑峨峻發爲一邑形勝而灣江  
滔滔滌帶其下山口有阜雄偉明麗層巒疊嶽崛起左右  
歲在丁巳余即其地卜築爲草堂數間名之以二安蓋以  
家後有一壑幽深世稱古二安洞故因以其號移之於亭  
號也客有過者揖余而言曰異乎哉子之扁亭也山水春  
秋之景槩雲霞朝暮之變態皆足獻狀助趣于亭命名之  
際宜擇其最勝者而獨取一壑之古稱者抑有意乎余曰



有之夫安之最切於吾者有二安心也安分也心爲一身之主分爲一身之數二者旣安則動無駭妄而是非善惡之當于前趨捨好惡之斷于中決然如水之下介然如石之堅造次頃刻未嘗少變吾心安則吾分隨安所謂安者知所安而安所止也此在日用之間而初非高遠之事也當然之理具於吾心當行之事具於吾分明白如日月人皆可以爲之子而安於孝臣而安於忠友而安於信能如是然後便可謂安矣吾心安於此則不役乎彼吾分安於內則不貳乎外其視富貴貧賤得喪禍福藐然如浮雲之變滅斯須而不足以動其中古之人有祿之以天下繫馬



千酬而不顧焉有居於陋巷箪瓢屢空而不改其樂庸非由心之安分之安耶二者不安則言行不副終始殊一毫釐之微皆足變其初喪其守而徒爲能言之鸚鵡回視其中無一可觀而夙志蕩然奚暇有安乎哉警省之功必資於學問而行之既久便有功效馴致乎不要安而自安一於是而不復有他無入而不自得然後益知亭號之不我欺矣客唯唯而退遂序其顛末因以自警

### 家訓序

老夫愚陋無似不足擬議於祖先風韻而於吾子姓則豈無式穀似之之心乎蒙養之學備載於小學及其長也庸



學論或次第詳矣然而讀之者往往以古今異宜而莫之行余嘗慨然于此者久矣天之賦於人固無厚薄於古今而人之修行顧不能無古今之異者豈有他故哉其所教養今不如古也家有迷男四人曰亮浩曰慶浩年紀長成既冠室曰哲曰仁叟年未及志學僅免襁褓兒子必浩爾既長成兩弟分戶又有若箇男兒而余年老衰頹甚一日若一朝溘然永無以爲來裔開迷塗則先世勸範從此廢墜矣以是爲懼因記其前日所聞於家庭者作爲此書又以士則家政擇友并列條目授之兒曹依倣焉伏波范魯公故事雖極僭越而寔出於保家門之計也爲吾



子孫者庶幾體此意而奉行且無日教我以正未出於正云爾則余惟曰余有後云矣歲丁卯三月朔朝序

記

素窩記

癸亥孟春之月河素窩可亨訪我於嵎岡之窮藪通宵談話心多警發余因叩之曰子窩之以素名者奚取焉牛芳之下丹崖翠壁映帶左右青巖之山紅桂之水墨溪之村黃峙之嶺皆在指顧中烏在其素之義也素窩沉吟良久曰非有他意也取素其位之素而已耳余乃恍然曰嗟乎可亨君子人也自妙歲能紹述紫陽之學識儒者分內事



絕意外慕之榮專務近裏之工僻處窮巷經籍自娛俯讀  
仰思多有所得環堵蕭然人不堪憂處之泰然樂亦在中  
雖謂安貧樂道宜矣凡事自有造物翁處分在身分上豐  
嗇素定在家戶上盛衰素定唯當行吾之素而已用行舍  
藏聽天所命隨處而樂則素位行也窮達皆吾定分因遇  
而安則素位行也然則素之義不在山不在水而在得之  
心扁之窩也素窩曰唯是吾志也儻爲一語以記之乎余  
素昧文字上事而於其請不得辭以拙因以平素期望於  
可亨者爲之記如右

恒窩記

柳景賢字學善



吾友學善自葛山移築山陰之箕山棟宇已成取恒名窩  
奚以哉山之高者窩可觀焉山以名之無不可也水之深  
者窩可玩焉水以名之無不可也而獨拈一恒字扁之可  
謂有深意於其間也既有深意則其可易言乎哉恒常久  
之謂而大中不易者也張中溪釋雷風卦辭曰恒字左從  
立心右從一日乃立志如一日也實字象之善形也夫終  
始不間斷者恒進修不廢墜者恒精粹不駁雜者恒未有  
不自有恒而能造其極也自強不息天道之恒生物有常  
地利之恒往來繼照日月之恒終而復始四時之恒厚重  
不遷山嶽之恒周流無滯河海之恒純亦不已聖人之恒







備而心爲主宰操而存之則爲聖爲賢放而失之則爲狂爲愚可不慎歟心具衆理應接萬事而脩身切要有九條曰敦倫叙明義理謹言行動講學節財用戒飲酒遠雜技懲忿怒嚴閨範也朝夕警省無間斷庶乎不差矣

### 敦倫叙

書曰天叙有典勅我五典五者人之大倫也孝爲百行之源事親盡孝終始不懈息事君盡忠鉅細無枉曲夫婦之間摯而有別同氣之間克盡友敬之道交遊之際審擇端雅直諒博聞之人相與輔益凡此五者不可闕一而孝親爲大能孝則他可知矣故曰欲觀其人善不善當觀其人



孝不孝

明義理

義理者至當之理晦明之間賢愚繫焉當剖析於幾微之際裁斷於方寸之間當其不可者則去之如農之除草當其可者則行之如水之就下應接決判隨事曲當而無迷錯之患庶乎可矣如或不然則義理混淆歸於下愚之流可不懼哉

謹言行

孔子曰言行君子之樞機樞機之發榮辱之主也又曰亂之所生也則言語以爲階此大聖人垂誠之辭也敢不服



膺乎夫口舌者禍福之門戶動作者利害之關樞一之不  
謹則興戎招禍噬臍無及其甚可懼也衛武公曰白圭之玷  
尚可磨也斯言之玷不可爲也

### 勸講學

易曰君子多識前言往行以畜其德苟欲多識何可以不  
讀書也須是安心耐煩嚴立課程日收放心不使外馳此  
講學之要道也不知此者逐日放倒廢却學業而不以爲  
恥輒曰何必讀書此乃自暴自棄也凡百之事利害相半  
者居多而有利無害者讀書也才雖通敏不學則鹵莽才  
雖鈍拙勉學則高明爲士者其可不篤志而力學乎



節財用

古語曰生物之豐歉由天用物之奢儉由人侈用則雖田連阡陌終至殫竭儉用則雖家無儲積漸至盈實節用之道不過節浮費而已足用之術不過崇儉德而已物有山林川澤之產而其生有限人有耳目口鼻之樂而其樂無窮以有限之財極無窮之樂則其匱乏可立而待也舉竟至於殄天物而天怒奪人物而人怨斂怨積怒而敗亡隨之矣道丐之人徼得十數錢則買穀市酒一醉大叫自以爲天下之樂無過於此是甘於丐乞者也其不免顛壑宜哉假使富有金帛菽粟者分限之外不可濫用也易曰



節以制度不傷財不害民

### 戒飲酒

周書曰我民用大亂喪德亦罔非酒攸行越小大邦用喪亦罔非酒攸辜吾以此歷考前史往牒以酒致敗禍人家國者指不勝屈固不可一一枚舉矣酒之爲弊豈其微哉小小近口則漸至沈湎不可遏絕當用勿字之旗禁止於始可也先儒有言曰禹疎儀狄之功大於治洪水

### 遠雜技

雜技爲名不一其稱而皆險陂叵測之事苟或混入於此則妨工害事莫此爲甚而家業從而空虛矣其爲弊也曷



可勝道哉假使因此而多得貨財養親以三牲祭先以五鼎已是不孝之甚者而况終至於敗家喪性不顧父母之養不恤祖先之祀乎晝宵伎倆專在於賭錢奪貨究其所爲與穿窬之類無異矣爲其父與祖者其肯曰我有子若孫乎夫欲陷人者先受其害謀奪人者先喪其行大理然也爲人子者何可故犯於其間哉當絕遠之可也

### 懲忿怒

忿怒者人情之所不能無而人情之中最易觸發者也任其熾盛不以道裁抑之則不測之禍踵而隨之大可戒也當辨之於早有忿怒之事亂於方寸之間則用恢弘之量



釋然遣諸胸中坦然置之度外不爲血氣所使可也故曰  
忍一時之忿怒保百年之安樂

### 嚴閨範

白沙李先生我東師表也其家家法甚嚴閨門之內肅然  
若朝廷焉其文集雜記中有曰聖人制禮年過十歲男女  
不同席不同施架夜行以燭嫂叔不通問敬姜以從祖母  
之親與季康子語閨門而不踰闕其別嫌慎微之意至察  
且詳蓋男女之別不如是無以防後世之嫌而有以起淫  
佚之端故其立經垂訓嚴切如此後之人不知此意親戚  
接遇有別則曰短於睦族指無倫無法之家曰親戚相愛



甚至於接膝而坐同床而食譁浪笑傲駸駸淪入於禽獸  
之域而自不能覺或謗興於情外變生於帷薄亡身滅家  
而後悔之可不戒哉

自聖人制禮至此皆雜記中語

先正訓辭如此後輩

可鑑誠焉

士則

士者一男子之任初非高遠之事務實理而已明於五典  
慎於四禮審於動作言語之頃詳於辭受取予之間謹於  
飲食男女之節平居所行不越於當然之理此皆性分之  
固有無待於外者養心有素則氣味冲澹操守嚴明以之  
事親從政取友接物居貧處富在上爲下之道隨所往而







是屋漏爲嚴師也

### 家政

居家處事與立朝無異有嚴君焉有齊體焉有下位焉有使喚焉有財府焉於此而盡其道則家政修矣若夫觀經傳如奉詔旨觀史記如對公案而義理之悅心視同芻豢之適口德儀之潤身看作文繡之被體則無待於外而清福已具矣

家有嚴君父母之謂也心誠致養溫清適宜氣和色愉容婉又不敢置其身於危險之地致有毀傷之患有過幾諫下氣柔聲諫若不入起敬起孝待悅復諫昏定晨省服勞







筆之工復使靜以修身儆以養德無得放曠一言一行率由禮法無或妄誕與吉人交遊與凶人分歧此教訓之義方世世傳襲無弊可也

家之不可無者奴婢也非此輩薪水之勞身自兼之奴婢者主之手足也其任最要而近傲遠怨御之甚難嚴而能和威而有惠念其飢寒察其奸惡禁偷竊碎語相鬪之習任事考功示之以威撫之以恩使彼畏懷犬馬尚能知主彼雖賤類亦人也豈不向心乎為主者極盡逮下之情而彼不革而不顧恩義欺瞞爲事偷竊爲心則元惡由逆遠之勿任事役可也







險躁言語詭譎動作不常驕矜諂諛好言人短憚而無廉者邪人也以此觀之則邪正盡露而人不能掩其不善矣士之正者敬而愛之有善相取有過相規相與親密而轉益所謂就善如就芝蘭是也人之邪者敬而遠之固不可疾之已甚而亦不可親密切不相干於是是非非之際則彼亦不能肆其惡所謂避惡如避蛇蝎是也

### 勸學

學業之成與不成惟繫進止二字進而不已則遠大中道而止則廢墜矣川進終能達海陵止不能成山當循循勉而漸入佳境行遠者先自近登高者先自卑當積累循序



而不可躡等譬之農夫舍而不耘則莠盛攫而助長則苗  
枯二者雖有緩急之不同而同歸於無秋則一也夫出入  
無時操存舍亡者人心之謂也一息之頃不加提省之工  
則肥甘玩好聲色遊宴之欲乘虛而入馳騫飄揚而嚮日  
志學之事掃地無有矣涵養於未發之前則天性渾全操  
存於始發之際則人欲未萌如此而加無息之誠克勤不  
怠則工何不成業何不就進止在心而心在乎存養勿助  
勿忘窒慾存誠進進不已則習若自然矣

上梁文

峨嵋陽新會上梁文 丁巳三月



載謀載度費心上之經營爰處爰居喜眼前之突兀少長  
咸萃福祿鼎臨惟茲松吉中阿金沙接界邑號汾晉尹太  
守治化如存山稱峨眉蘇學士文章可想爰得一鞭胥宇  
之所迺卜卒歲偷湖之居會天地亨通之期備棟梁大小  
之制財無不足量工役而節用事有仍舊因形使而拓基  
十年蝸屋幾願舒膝之居四方鳩材不歎綿力之誦正當  
結構之度不差尺尋之規春日漸至陽和可見事功之易  
就山氣益覺明秀若有鬼神之來將助舉脩梁聊陳善頌  
兒郎偉拋梁東一帶新安淑氣通福祿如斯流不息千秋  
萬世好家風兒郎偉拋梁西方丈山高日色躋若使子孫



學禮義庶幾名德與山齊兒郎偉拋梁南老人星照瑞光  
含人間五福壽爲始同爾妻孥樂且滿兒郎偉拋梁北滿  
天烟月太平色從知積善慶猶餘長向林泉樂自得兒郎  
偉拋梁上山月江風無盡藏胸次欲教清一般門閭高大  
是吾望兒郎偉拋梁下高飛燕雀賀新舍願言來者繼無  
窮萬卷詩書長在架伏願上梁之後子孫楫楫福祿綿綿  
俾無一日之艱辛永享百代之安樂神道保佑可占人家  
之將興天理栽培庶幾地運之回泰

告辭 祭文

文江城君碑閣創建告辭



道學嫡傳節義師宗澤被生民百世其功豎石年久棟宇  
未遠今纔經始日吉辰良物議既協多士趨踰齊誠虔告  
有飴其香庶垂明靈永世克昌

祭權學卿 乘漢文

嗚呼兄之逝今已一周年矣歲運如環來復人生一去不  
返儀形眉目之炯然者日遠而日忘哭死傷生之興念者  
漸化而漸易此則人之常情也而至於不佞則又有私痛  
之切乎心者以若君明粹之質愷悌之性生乎積慶之門  
有和易之量无崖異之疵行孚孝友譽隆鄉黨植學而績  
文出類而拔萃積厚而發宏根固而枝達昔歲山房聯床



讀書趣味滋長父不啻莫逆誼無間同氣感君之勤篤惕  
息之怠惰有以振作其委靡之習而思所以追及一區烟  
月招邀頻繁期百歲而不渝云胡不淑遽朝露之先晞耶  
蓋我之所以掩抑而不能已者不但爲連姻之好世分之  
篤情誼之互相交孚而已也數年來習性尤痼而更無扶  
策激勵之益悔懼之時未嘗不念及於君則吾之念君者  
蓋亦無窮期矣一聲長號雙淚交流不味尊靈庶鑑衷曲  
嗚呼哀哉

祭再從叔

基亨文

嗚呼我公胡遽至斯吾門先世孝友文行遠近共稱而年



祺漸遠風韻漸逸厚德長老次第下世所恃者惟有我公  
遵奉遺訓規範乎吾門著脚頽波矜式乎士林云胡不淑  
使後輩長抱云亡之痛耶跡公平素孝悌百行誦無父母  
如公有幾日稍寒則問曰得無寒乎加衣衾以溫之食少  
則問曰得無飢乎煖粥飲以進之就養無方志物備盡  
及夫卒先盡誠之節處族敦睦之誼既爲儕流之所推重  
則固非淺見所敢容喙者而聞善必喜嫉惡如浼則宜乎  
善者好之不善者惡之也克家二男並有名稱可以繼美  
而命道抹撥天不假年先公歿折倚仗之理實難窮詰善  
積福臻此理孔昭而觀乎我公一何謬戾嗚呼小子蒙眷



殊深凡有所事必察而行之凡有所疑必質而正之信之  
如神明仰之如星斗今其已矣復何得此於此生乎鏘鏘  
瓊韵空貯篋裏温温德音尚在耳傍文不能盡道此情哭  
不能盡抒此慟不昧尊靈庶鑑衷曲之萬一嗚呼哀哉

### 墓碣銘

成均進士文公墓碣銘

并序

故成均進士文公諱鉅貫南平新羅南平伯武成公諱多  
省爲得姓之祖麗朝忠肅公諱克謙忠宣公三愛堂先生  
諱益漸爲中世顯祖 本朝有諱和都承旨號晚隱於公  
爲五代祖高祖諱瑛吏曹佐郎曾祖諱尚能號忍齋承政



院右承旨祖諱賀歷靈光金堤二郡守考諱佑昌行驪州牧使自綾州移居寶城妣貞夫人幸州奇氏南原府使彥邦女公以弘治癸亥生天性寬仁事親無忤才謂出倫博覽經史早遊泮館措紳章甫莫不推重及見世禍將危不常厥居自寶城移居宜春華陽里杜門斂跡不關世道隆沉日講春秋性理等書常誡家衆曰孝友勤儉理家之本宴遊佚樂招禍之機汝輩慎之此可想公之德行足以爲鄉邦之矜式也以某年某月某日卒葬于本里月鉤峙向午原配宜人晉陽姜氏遇尚女墓同祔一男仁孫承宣郎孫男逸元曾玄以下不錄後孫怡穆與其族命賢在希將



其事狀二通來余請銘辭不獲謹按狀而銘曰  
周旋親側一念無逆蘊蓄既富可以澤國見機遐移其智  
明確月鉤之陽有崇四尺我銘斯刻百世不泐

行狀

懼窩李公行狀

公諱光漸字進汝號懼窩系出全義鼻祖諱棹輔佐麗祖  
統合三韓叅開國翊贊功臣官至三重大匡太師歷十七  
世有諱俊民孝友文學矜式簪紳世稱新菴先生 宣廟  
朝官至六道觀察使議政府參贊歷六曹判書謚孝翼享  
臨川院其後四世有諱楷咸安郡守郡守生子諱滿肇壽



職中樞院事公之大人也委禽于竹山朴氏通德郎來恒女 肅廟甲申正月二十七日生公孩提時峻拔岐嶷與凡兒殊嘗從伯兄遜窩公出遊有飛錄流落公傷足血流遜窩公裂其所着斑衫纏裹傷處而負歸公歎曰父母全而生之今不擇遊方致傷毀也自後更不遨遊嘗陪大人至隣舍隣舍供盛饌待之而次及公公默坐不食隣老勸喫公曰時值凶荒遇此盛饌而家有慈闈故不忍食其人 大奇之始學時才器通敏沈深有度記誦如流識者知其爲昂霄材也一日讀人無更少年之句忽掩卷悲泣人問其故公曰親髮已生白是以悲耳九歲時避痘出寓臨行



大人公戒之曰古人過橋必下馬汝所向路有二橋汝其下之公拜命而行省視橋處而未遇問僕夫僕夫曰已過其處矣公曰親命不可違卽命廻馬至橋處下馬平步凜若淵冰而過其遵奉親命若是十有一歲受小學於大人公時值夏熱潛心默究不輟晝宵大人公恐致暑疾止之公對曰做人樣子全在此書則讀此心爽意涼不識春夏之涼炎晝夜之短長願大人勿患生病大人公大喜後受魯論於鄭公汝章之門辨析問難鄭公稱之曰吾不如汝也公自志學以來事親之道敬長之節不差毫毛侍親雖至夜深未嘗離側敬長雖隔夜間未嘗不拜書社在數里



許逐日讀書雖雨夜雪朝與伯兄夕往昏定早歸晨省未嘗少懈一夜大雨急注川渠漲滿迂路十餘里不廢定省大夫人嘗患血塊甚危劇公嘗糞試藥及至危欲斷指出血垂口移時回甦其後適有事上京未還而睡夢之間大夫人宿症復發驚寤而起舉身流汗倍道南馳三日三夜臨本州路思欲訪平素親切之醫許鄴問藥而歸冒夜以行至凝石寺前路有三歧忽有兩虎一距尋醫之塗一塞還家之路咆喝撲沙使不得進退公悶迫殊甚下馬哀喚虎愈距塞夜已三鼓矣勢不獲已入寺呼僧有客先應而出公入門熟視則乃所欲訪之醫公詳言所來之由醫人







十餘里公繼至漢江登船更下曰風勢怒吼波濤洶湧  
如待時人皆不信公退息亭下須臾大風怒濤檣摧船覆  
同舟之人一時淹死國昇在前路聞公同被船禍大哭而  
歸以告中樞公中樞公不答與隣老彈碁國昇再三言之  
中樞公曰子之所聞不如我之所量公亦意國昇先白于  
家庭急還返面國昇方在座而中樞公之言果驗矣公嘗  
欲啖蕪南靈草翻然悔悟成一絕詩曰美酒平生斷佳人  
隔歲疎從今謝妖草三害已全除遂謝絕南靈草每值國  
忌不進酒肉但食素而已一日在外沈病人有饋遺水魚  
者公還之曰今日國忌也雖病何可犯禮乎年三十五中



進士科設慶日植一木于永縣益梅村鄉人慕其德而愛其樹名之曰舞雩戊子丁大夫人憂勺水不入口哀毀幾滅性喪禮一遵古制時中樞公之年已過六旬無日不欠寧故不得廬墓日往墓所泣血而歸亦不廢定省之節服闋後夜夢必承慈顏常作斑衣之舞覺來失聲痛哭作二絕詩曰慈顏夜夜見依依夢也疑真覺也非若使回宵變爲晝百年強半侍萱闈夜夜有眠眠有夢夢中無夜不承顏承顏每作斑衣戲安得長眠夢是真自是不復修舉子業率門徒講道習禮於雩壇之上或吟風咏月而歸教人嚴明常謂學者曰外若讀書而內實浪遊學者之大病也



嘗作 英廟壽韻二首詩曰鳳曆重廻斗轉辰康衢烟月  
又新春世間甲戌無窮盡去去來來壽聖人不徒憂國願  
豐年只祝吾王壽考延一萬八千猶有限無窮無盡等皇  
天公藻思清遠詩文工麗以文章行義見推於世守令方  
伯見其詩文而知其實行讚曰行檢自近思錄誠孝體小  
學忠義慕杜詩歲癸未中樞公壽九十有六公之年六十  
也公遭疾自知不起請於親庭曰不肖子光漸棄親先歸  
百世之冤請撻之以治不終孝之罪因向天三祝親壽而  
歿九月十八日也士類莫不嗟惜門弟子爲之服者十餘  
人而河公必龍以門生心喪三年治任而歸公天資軒豁



儀貌魁偉百行俱備誠孝爲源蓋得之天性而非勉強也  
以若公出夫之孝遠大之器正直之學宜乎大用而天不  
假壽年止耳順命矣夫命矣夫初配青松沈氏進士涵之  
女生四女無子以姪子邦根爲嗣後更娶士人姜周翰女  
生一男曰邦實曰邦奎曰邦烈沈氏所生四女長適尹守  
稷次適柳希鎮次適河益浩次適李尚誠邦根系子曰潤  
一長女適尹欽大次適鄭海賢次適鄭煥龜次適慎必聖  
邦實子曰潤赫有孝行邦奎子曰潤宅曰潤八邦烈子曰  
潤英女適鄭順采朴潤沃潤一系子曰淳植潤赫子曰文  
植潤宅子曰厚植曰啓植出系曰廷植曰亮植女適趙秉



孝潤八系子曰啓植潤英子曰結植出系曰正植曰元植  
淳植子曰熙甲曰熙乙文植子曰熙一女幼厚植系子  
曰熙重女適許渥崔必永廷植子曰熙重出系曰熙吉亮  
植生二女幼啓植子曰熙燦女適朴以炫正植子曰熙仁  
曰熙元曰熙輔曰熙太曰熙必女適崔濟亨張龍燮柳貞  
吉元植子曰熙文竊念公孝友之實學業之廣播人耳目  
非可以虛辭揚也謹撮其著者論撰如右以俟知言君子  
之採擇焉

耕隱朴公行狀

公姓朴氏諱守禎字潤直自號耕隱貫籍珍原鼻祖諱進



文高麗大將軍歷七世有諱熙中入 我朝官至藝文館  
直提學又六世至諱光前號竹川受學於退溪李先生之  
門 宣廟徵爲王子師傅龍蛇之變爲義兵將有功建祠  
寶城 賜額龍山 贈吏曹判書諡文康又三世有諱士  
亨號清狂明於理學隱德不見子諱東奎 贈司僕寺正  
子諱齡瑞號栗亭 贈左承旨卽公考也娶丹陽禹氏學  
生圭錫女 英廟丙寅五月初三日生公生有美賢罕少  
啼呱其遊戲不爲妄雜賦性穎悟方數之名一聞輒誦儼  
有成人之儀晨起梳洗入省親候觀者稱爲奇童八歲始  
讀童蒙先習擊蒙要訣見識超邁講究要義不明不措華



麗之服不加於體放辟之言不出於口十歲丁內艱與伯  
兄不離苦次晨昏侍奠無不稱情而合禮服闋孜孜勉學  
動止有常鄉鄰長老許以遠大事大人公常進新鮮期於  
適口大人公老且病思欲食生雉而雉自飛墜於雪塲積  
柴之上欲食生梨而梨隨轉出於籬畔落葉之底是蓋誠  
孝之感而冰鯉雪筍不獨專美於古也歲庚寅大人公患  
痢危劇公築壇祈禱斫指進血得甦一日至竟棄世則公  
水漿不入口初終之節一遵家禮伯兄家計不贍將祀之  
儀力不從心乃私自買田以補祭奠之用又當凶歲捐財  
施義急人之困己未自 上有求農政之教公膺 旨製



艸備盡稼穡艱難天時豐歉地理饒瘠人事怠勤一舉條  
理善尾洞然之可與爾風之七月小雅之大田甫田周頌  
之載芟良耜等篇相表裏矣庚申國恤望哭盡哀淚下如  
注亦其天性丹衷之達於面目者然也構精舍於屯基溪  
畔扁以耕隱爲序記以寓意友于兄弟睦於族黨信乎朋  
友威儀棣棣無疾言遽色戊子至月二十一日朝自整上  
下衣服精神不昏亂談話如平常至巳時從容就枕奄忽  
棄世享年八十三粵明年四月葬石虎南麓子坐之原遠  
近儒林褒揚之狀相繼而起縱未及登徹其公議之不泯  
於斯可徵矣公娶天安全氏生二男一女長曰哲相以壽



進秩崇政大夫同知中樞府事次日最相女適魏道原哲  
相生一男三女曰英煥曰敬煥女適李箕八任思民安泰  
煥最相生二男二女曰斗煥曰寅煥女適李基敷宣佐欽  
寅煥以歲庚午流火之月自湖南訪余於新安寓舍袖示  
公行蹟世系年譜與營邑繡庭呈券題音等文字求爲狀  
行之文余辭之再三竟不獲已謹彙括叙其大者如右云

祖考處士誠窩府君行記

緬惟吾朴肇自羅麗顯敷有諱鉉仕高麗中葉爲司憲糾  
正生諱文有擢第拜與理佐郎生諱思敬官典法判書兼  
上將軍推誠翊威功臣生諱忱入我朝以開國功臣 贈



戶曹典書生諱剛生集賢殿副提學生諱切問正字 贈  
純忠積德秉義補祚功臣議政府左贊成密山君生諱仲  
孫歷檢詳舍人至吏曹判書冊輪忠衛社協贊靖難功臣  
崇祿大夫議政府左參贊封密山君謚恭孝生諱楨禮曹  
參議號存誠齋生諱光策刑曹參判兼五衛都摠府副摠  
管密城君生諱苡內資寺副正 贈崇政大夫議政府左  
贊成兼判義禁府事生諱好元官檢詳舍人議政府左參  
贊知義禁府事五衛都摠府都摠管戶曹判書號松月堂  
生諱著賢判官自延安赴官于京至青洲草浦與淑人及  
二子一時滄沒生諱安中弱冠陪先大人赴官之行同被



水禍無子以從姪諱承禧爲嗣生諱世章卽府君之高祖也曾祖諱忠彥祖諱經三以孝悌文行矜式鄉黨詳載晉陽誌考諱繼吾號山水齋以道學行義見稱於世妣晉陽河氏學生諱應會女 英廟三十四年戊寅二月初一日生府君于晉州沙月里第諱能煥字乃成號誠窩天姿秀美器宇軒豁動作有儀未見疾言遽色性至孝山水齋公嘗患風痺之症坐臥興居不得自力府君侍側無晝無夜或左或右扶持環衛溫清適宜爬搔隨便雖造次之頃未嘗離側壬戌丁內艱哀毀幾滅性喪禮一遵古制旣葬日往墓所泣血而歸歸侍湯側煎藥煮粥之節躬自服勞曾







書孝悌忠信忍默勤儉八字以授子弟二十二日曉棄世  
享年六十二門徒治喪殯而後散者百餘人遠近赴吊者  
莫不嗟歎曰哲人萎矣吾黨安做其平日德望足以感動  
人心者有如此配安東權氏學生諱偁女生子基八娶延  
日鄭一采女生四男一女長曰驥鎮次日公鎮登第官司  
諫歷保寧縣監次日謙鎮次日景鎮女適晉陽姜晉馨嗚  
呼以府君有德有行而終老林泉未得顯用於世且其實  
行之可傳於世者不一而公鎮今年六十有八昏耗轉深  
平日所見聞者漸覺忘失若復因循歲月則恐終泯沒無  
傳故畧記錄系行錄顛末如右時 上之卽昨十一年癸



酉三月日也

記長子婦柳氏孝行

嘗讀小學書見鄭義宗妻盧氏夜有強盜數十持杖鼓譟  
險垣而入家人悉奔竄惟有姑自在室盧冒白刃往至姑  
側爲賊捶擊幾死之事未嘗不擊節歎賞凜然起敬矣吾  
家自乙丑以後移寓新安農桑爲業隔離有驛卒喂養一  
匹馬馬性喜蹄嚙毀人面目咬人胸脇傷痛致病者許多  
一村長少莫不畏避今年四月二十日馬絕韉踴躍咆哮  
作聲直犯吾身舉足橫加肩上危機迫頭人莫敢撓長子  
婦柳氏輟織投杼荷杖急赴毆馬逐之此與唐盧氏事適



爲比類夫悍馬蹄牙凶賊鋒刃危勢相等而奮不顧身卒致脫胸引古證今符契若合豈非所謂誠孝之格乎柳氏籍全州舍人永健之後學生涓喆女生二子長壽立次壽赫婦之秉心如此爲其子孫者豈不昌大乎壬申五月哉生明舅二安翁記

二安亭遺稿卷之二



安亭遺稿卷之三

附錄

挽章

戚弟成采奎

晦山

蟬聯門楣蚤蜚英  
郭郭沉沉深篤履  
貞天上星辰朝老位  
丘中巾屐野夫形  
持身常有緘金訓  
從政曾聞製錦名  
遙憶梅花人不見  
霞旌何處採真行

成 澗

進士  
松岡

松老遺芬有典刑  
七旬遐祿享康寧  
居家粥粥心猶確  
宰邑謙謙德發馨  
聖世令名登栢府  
晚年高躅臥花亭  
青氈舊業占餘慶  
啓佑賢郎早擢經



趙性家 監役 月舉

孟子所云三達尊吾鄉何幸我公存元君一飲魯山水  
陶令旋歸栗里田獨挽古風回季葉每歛碩望屹名門  
尼丘山爲誰輕重來去宜將氣數論

戚姪河兼洛 都護 思軒

絃歌孚海曲水石戀沙南養拙羣無競居貧獨自甘仁  
齡躋七壘善報屬三男憶普通家誼悵然此日心

李佑洵

種德門庭有是人人間三達賁全身州金未富循良吏  
鬢玉增光侍從臣先誼常論同氣味高風誰不愛真淳



年來尚恨芳隣遠  
永別那堪自此辰

洪秉澮

專門經學發金椎  
沉雅胸衿律尺持  
園墅保閒居士樣  
朝廷優老大夫資  
棘邑棲鸞非素志  
蘭庭峙鶴有賢姿  
旖旎何山丹旆舉  
赤城霞起北風吹

金鍾瓌 進士

歷事三朝共百官  
歸時應見路人歎  
青春欲試胸中蘊  
白首猶承膝下歡  
寧邑豐碑遺愛久  
丹丘序室古經殘  
從今晚契還悽悵  
祖道亭梅正耐寒

金鍾復 進士



都正功名是達官錦還前路幾人欺識荆恒切平生願  
御李方知往日歡容駟門高餘慶擬舞斑庭曠夕暉殘  
病中起撫桐三尺終曲誰知郢雪寒

鄭利采

逝矣承顏一夢如汾河落落不同居白首報君殊遇尙  
青燈勉子古經儲荆願平生纔識後葭緣今歲更尋初  
誰知此日軒屏下便爲吾公哭誄書

戚從權輿樞

年於我加德我加粵自髮髮許心多累帶朝啣常野士  
一經州宰尚貧家縱云暝界承親可其柰偏堂哭子何



數閱哀些沾淚去青山丹旆夕陽斜

婦弟河龍成

姊兄朴敦寧天賦不偶然氏系密城古丕祖松老賢  
熾簪纓族世世孝友專人稱明經士名聞登龍筵語默  
皮裏有紛華夢外牽一縣遺恩澤七臺養眞天嗚呼乙  
未歲吾姊作九泉往事豈盡說甥生僅四年呱呱呼覓  
母于時公何焉我來拜公日相對淚漣漣孰無原陵誼  
世莫公我先早作歸來賦超臥茅廬邊庶望期頤壽不  
啻鬢玉懸天理今難謀靈車送秋阡慟哭將何及棟樑  
月正圓



婦弟權應弼

蒼然蒿栢附婚姻依仰綢繆五十年青雲臺閣官三品  
白髮林泉壽八旬彼哉斲樸剗真俗獨也含章守拙人  
賢胤窮經工已就好看大闢耀先辰

李道樞 月淵

世人自作聰遙聞蟻闢穴世人自能言巧弄簧鼓舌乞  
墦纔得意白日行驕佚落羽或難振中夜躁曼愒良心  
既淪喪所猷盡回遘覩然猶無愧哀哉尚何說惟公天  
質美澹然澆俗別有才寧自棄經笥腹中設而至可展  
布雲衢騁遐轍仕宦豈容易權要羞締結躑躅在下僚



十載困棲屑邁行推赤衷剛立勵素節雞刀聊暫試曠  
步反多跌競進諒何苦安分莫如拙樂我林下居巖泉  
自清絕幽蘭守孤芳晚馥從秀徹白首榮寵增煌煌髮  
玉潔燕翼貽嘉謨龜齡躋大業公歸亦何憾圓福無欠  
缺然猶後生悲不堪抱哽咽回首溪堂暮薤歌歌一闋

權基德 三山

性其純默德其豐名價嶠南北斗崇編列朝端蒙國澤  
鳳趨庭下襲家風守貧陋巷同顏子移宅新安講晦翁  
公去重泉多士哭一聲薤露碧山中

金孝榮



年光七旬二於焉似好清都去作仙純仁視以三尊達  
孝友兼于五福全賢子攀輻悲白髮肖孫守操繼青氈  
一曲薤歌西日暮淒涼寒月照幽泉

李佑元

仁者由來必有壽見公歸化理昭然桂籍芳名三品秩  
箕疇康福七旬年自以真淳貽厥後誰能溫清老慈前  
嗟呼宿昔無窮誼寫出哀詞涕淚漣

權儼奎

奔趨斯世惣麟楨誰知吾公得自全位極參銓輿望莖  
詩賡聯玉聖恩宣人間稀壽惟仁驗庭下令名可業傳



尼出新江遺躅地碧松寒月更團圓

姜柄瑚

松月尼山世挺豪一天奎運斗南高歷朝簪笏長懷簡  
百里絃歌暫用刀分內秋英三迓菊夢中春色九重桃  
人間尚可猿腸續只信箕裘有鳳毛

戚姪權琬奎

心眞獨保處名壇松月門庭苑有光尼丘山下新安上  
生老居仁樂未央

明時遭遇感 君恩爵及三銓并達尊罔祝深誠詩一  
幅洋洋廣載 玉綸言



呱呱孝子泣蒼天  
述業通經已有年  
未遂生前榮養願  
雲鵬萬里待時然

權圭鎮

天於左海降明公  
錦繡精神玉雪胸  
早歲青燈儒術博  
昌辰朱紱聖恩洪  
身登楓陛忠清志  
世襲松堂孝友風  
垂暮何言羸博淚  
三行雉鳳碧棲桐

鄭奎采

縱無平日奉陪筵  
己與阿兄有宿緣  
桃李城東華閥閱  
海棠花下老神仙  
天奪耆英邦不幸  
家傳賢胤慶猶綿  
公何忙逝佳期晚  
遙向梅亭哭悵然



權允煥

仰公高誼附婚姻半嶺之間枉顧頻膝下一悲蘭影子  
鬢邊雙帶玉精神黃紉抱負官猶冷墨綬辭歸屋尚貧  
欲挽輜車還不得庭槐疎雨淚沾巾

權璋煥

三達尊家鬢玉圈琪園何日降仙官座中不有青雲貴  
印後獨多白屋寒勁草風時忠職素碧楸霜夜孝心丹  
榮華身上庭冤淚宦聖當年亦免難

權泰魯

吾於滄海大魚觀天借長風萬里搏懷裏黃金猶却夜



祿餘白屋不勝寒明時位以無求得晚境心隨所遇安  
瑞日東方躋壽域春光永醉入庭蘭

四從叔基淳

子之逝也棟樑摧吾門孰不倍傷神聖朝恩禮躋三品  
壽域春光過七旬惠意粹盎宜後慶英姿寬厚任天真  
病來莫送斜陽路題罷哀詞淚滿巾

族姪章浩

尼丘山氣降鍾賢家國經綸兩得全壽又寧終多福享  
爵兼齒德達尊先順天生活方成佛平地歸來便作仙  
母哭子呼千古訣青山寒雨白雲邊



族姪圭浩

進士  
沙村

吾家南下後簪組久已絕公幸早蜚英庶幾振先烈栢  
府躋清班湖縣分符卽奉公惟一心憧憧復惓惓與世  
竟踴躍亨衢每多窳滔滔趨利塲豈與汙俗涅眞率遠  
世情權門未印轍窮達知有命恰恰不中熱較德位不  
稱纔到緋玉列於公雖無損屬望徒已缺良貴公所能  
人爵更何說居家務清儉律身尚謹拙繁華富貴相視  
之若不屑處族睦與敦待人和且悅紆直皆箴砭網維  
盡提挈小子昏且蒙每失書紳訣不方旣大方何曾窺  
閫闥搬移梅亭上爲計老巖穴義方兒孫教靜几詩書



閱未盡湖中趣崦嵫日欲暎二豎交構禍呻吟苦痢泄  
急趨診患候眞元已蕩竭扶起坐牀頭精神堅如鐵病  
崇雖已痼年齡尚未盡地步稍相間未得數來謁况又  
染毒癘幾乎性氣滅病裏承蘭報伏枕徒哽咽雞夢忽  
忙忙木介又浙浙零替一門事棟樑今已折北堂餘日  
多溫清誰能設仙路太忽忽悲淚自涌涵含慙俱未臨  
心事輒如噎連仍百六會哭公兩箇姪慰公冥冥中三  
男惣是傑遺經劬不已大闢早晚決靈車臨祖道楚歌  
露圓結萬事佳城閉傷懷撼切切

再從姪永浩



粹然公性賦洪勻箕範休祥備一身北闕蒙恩三品秩  
南鄉養德七旬春貽謨勉以詩書博家道源於孝友淳  
吾輩疇依無所仰哀詞未挽大歸輪

祭文

從子必浩

嗚呼至親無文古雖有戒哀痛迫切迥別尋常則古之  
人亦或有文以侑之從子今日之哀痛迫切有非古人  
之可比則安得默默守戒不泄胸中之萬一也嗚呼從  
子之無祿歷古來今未嘗聞而見者在胎而失父在  
襁而失母父母之顏面不見不記穹隕天地之間無所  
依仰如是而得有今日者是誰之賜也內而祖母懷庇



之外而叔父矜恤之頂踵毛髮與人均保父母之恩何以加比且從子受氣甚薄幼而善病五日一痛十日一臥雖恩如父母宜有攢眉之曰而叔父憐之閱之未暇他事而至誠調劑常曰吾兄之一塊血肉遺此一兒而疾病之侵尋何如是類仍也莫非我之惡業未盡空使無罪者受困其至誠惻怛之言足以感動神明而昏昧此心不知茲言之爲可悲追思當日悚然泚汗嗚呼叔父嘉言懿範非徒一家之典刑亦足爲一世之矜式必有尚論之君子揄揚於國乘野史矣奚用乎阿私之口也然哀痛所迫不得無言者也嗚呼儉約自守安於貧



乏持心恬淡除却富貴之相率公以憂國爲先居官以  
愛民爲本不問俗吏之詭遇範我馳驅其有得有否元  
不計較至於待人接物綽有餘地平生無疾言遽色嗚  
呼以叔父之所負抱得以大用於世則其所施爲固何  
可量而與世踳踳卒無以展布奄至斯促耶嗚呼祖母  
臨年之痛寬譬無路從兄劬經之業榮奉有期何如是  
忽忽仙路也私誠所祝薰沐家庭百年猶短家運之極  
奇耶人事之不盡耶問天冥冥質鬼漠漠遑遑天地之  
間何處依仰禍不單行古雖有之豈有如吾家者乎含  
穉纔畢晶從信從俱以毒癘冤逝子子殘喘誰與爲命



一  
字  
馬  
通  
和  
第  
二  
三  
九  
惟幸從兄三兄弟收拾門戶不虧遺業必期異日之昌  
大叔父不食之報其在斯歟哀痛所迫和淚而書書不  
盡言言不盡意伏惟明靈庶幾鑑格嗚呼哀哉

行錄

族弟受祺

一名受春

先生生有異質自幼時不與羣童狎戲端重如成人  
訖就傅文藝日隆見者已知識趣之非常以親命專攻  
明經學 憲廟癸卯登丙科第九人未幾授權知承文  
院副正字自後月薦歲陞歷成均典籍累遷至司憲府  
掌令司僕寺正通禮院左通禮 哲宗甲寅 純元王  
后六旬有六之寶齡也五月十五日 誕辰設耆老科



以飾喜頒下 御製詩一絕 命近侍諸臣庶載時以  
右通禮同侍 法筵以一絕進之曰彤霞盈溢祝岡杯  
長樂清晨獻壽廻 聖澤如天涵萬物春臺瑞日 法  
筵開 上特賜寶冊一卷藏于家先生久有退休之志  
是歲呈辭作歸去來辭浩然南下雖有除拜未嘗供職  
上自廷臣下及草野無不勸起而終不赴丁巳春移于  
本開峒山之陽築草堂三間自號二安亭蓋屋後一壑  
幽深明麗世稱古二安洞取二安之義曰安心也安分  
也自序曰知所安而安所止也謝絕世事深自韜晦曰  
處其中左圖右書時取聖經賢傳專精致志心融神會



間以吟咏有幽居詠四韻一首曰峭岡卜築爲林泉緩  
步尋尋一逕穿新霽水聲深夜後未開花意早春前時  
催頑僕謀耕穫又勸穉兒讀聖賢夢想不遊名利際山  
家誰識有真仙距家五里許有金湖首陽山山下有陶  
邱臺臺古處士李陶邱濟臣之所築者也上有十丈丹  
崖下有一江平鋪水清而石潔山回而壁立上可坐百  
人下可容一船先生愛其山水時與再從弟郡守公正  
鎮族祖司諫白隱公在僻立庵鄭公民魯從遊於此臺  
水石岩崖之間嘯詠徜徉興感前哲撫芳躅而盤桓蓋  
先生寓意山水於世間名利泊如也戊午授司憲府執







敦寧都正不起修正闈門教養子弟日與諸子講論經旨以自娛靜居一室經籍外他不掛眼有時作遊賞之行數里許有白馬山城下有赤壁江自古稱名勝地而山明水麗景致通暢先生優遊消遣念斷名利之場興甘江山之樂吟哦於斯怡神於斯不知老之將至居無何又還于本鄉之梅花亭村在白雲洞之傍上有仙人峯洞中有龍門泉石千疊聳巒萬斛落瀑先生常以花開之節楓菊之時與數三同志遨遊時或獨往尋幽探景逍遙林泉興盡而歸有五言詩一絕曰青藜步白雲懸瀑落紛紛圍坐水聲裏愴然洗我煩觀此一句先生



之雅趣可見也先生天性簡默端詳安重夷考其可見之行則先生之祖誠窩公事親至孝文學懿範著於鄉黨先生承襲家訓以孝弟忠信爲本而言語動止一遵禮法尤篤於愛親敬長雞鳴而起正飭衣冠定省父母怡愉見於色辭極力服勤無或有失日拜家廟退而燕處律身甚嚴遠聲色戒麪槩杜雜說高拱危坐講習經旨雖祈寒之朝推戶讀書而或潛心對越或兀然淵默夜分假寐或至詰朝未嘗偃臥坐不偏倚行不忙遽雖大風雨雪未嘗疾趨望之儼卽之溫有可親可敬之儀疊丁兩艱於數三年之內連遭伯氏內外喪送終致哀



一遵文公家禮情文備至易戚兼盡奉繼母事之甚勤  
雖寓他鄉距十餘里之地間日省親至白首而未嘗少  
懈祭先盡誠敬齊沐以致其潔肅敬如見于位雖子婦  
之祭未嘗不與不飲酒不食肉終日戚戚焉有憂色過  
三數日乃已伯兄早沒無子而遺腹子生後二年而母  
沒先生收養而教誨之一如己子而其或有疾極力治  
療坐臥臂上者歲餘不懈益勤家事極力周旋而成就  
之兄弟四人及一妹與之友于怡怡之氣溢於眉宇治  
家有法門庭肅然教子弟慈而義處宗黨務盡敦睦接  
人以恭而賢愚各得其情聞人哀慶無不盡其情曲或



有碍未躬則書疏以替問其在郡以愛民爲主而行之  
以誠心忠君憂國之心本於天性白首糜官歷敷路  
而家勢冷落筆瓢屢空而處之晏如衣服極其麤惡而  
安於蔽體飲食薄於自奉而厚於奉先年位俱隆而未  
嘗以老貴加於人應事接物審其取舍究其至當若害  
於義則一毫不取是以人無賢不肖而無不慕效而悅  
服焉平生用工於四書五經而及夫晚年退閒之日尤  
喜看心經近思性理諸書沉潛反復玩索義理所得尤  
多每清宵月明之時整衿起坐恒誦心近四子等書以  
養性情訓誨後生隨其才而諄諄善諭提撕誘掖使聽



之者心開而義自曉雖在寢疾中有問者訓誨諄切答  
問不倦自京回時手抄古今格言名之以家訓其目有  
九曰敦倫叙明義理謹言行動講學節財用戒飲酒遠  
雜技懲忿怒嚴閨範又曰士則曰家政曰擇友昭示後  
輩朝夕警省以爲一家之政嗚呼偉矣其在京從仕之  
時及謝仕退閒之日與諸同僚相和詩及挽誄書疏尺  
牘不爲不多而累遭六丁諸史子集及什物盡入於燬  
燼中豈非後學之深可痛恨者哉先生生於  純廟七  
年丙寅卒於  上之即阼十五年丁丑四月二十五日  
聞訃之日遠近莫不痛悼及葬四方之士多來吊奠其



好善之誠感人之深亦可見矣受祺忝在門下其受賜多矣而先生當日事歷歷在眼先生之卒今爲三十餘年之久矣時移世變累經劫界加以昏耗文拙未能形容其德美吁亦憾矣

行狀

族孫憲脩

公姓朴諱公鎮字周仲系出新羅密城大君中祖諱鉉高麗糾正生諱文有佐郎生諱思敬典法判書兼上將軍推誠翊成功臣生諱忱以開國原從勳 贈戶曹典書生諱剛生集賢殿副提學號蘿山生諱切問權知正字純忠積德秉義補祚功臣 贈議政府左贊成密山



君生諱仲孫吏曹判書輸忠衛社協贊靖難功臣崇祿  
大夫議政府左參贊密山君謚恭孝號默齋又號栢堂  
生諱相禮曹參議號存誠齋生諱光榮刑曹參判密城  
君生諱苡內資寺副正 贈崇政大夫議政府左贊成  
生諱好元戶曹判書號松月堂生諱著賢判官生諱安  
中弱冠陪先大人赴官之行至青洲草浦同被水禍嗣  
子諱承禧忠義衛避丙子亂陪從祖判書義谷公南下  
因居焉生諱世章亦忠義衛生諱忠彥於公爲五代也  
高祖諱經三孝悌文行矜式鄉黨載晉州誌曾祖諱繼  
吾號山水齋文學行義見稱於世祖諱能煥號誠窩事



親不孝嘗侍風痺之症坐臥興居扶持環衛造次不離  
於側三十七年如一日載晉州誌考諱基八娶延日鄭  
氏一采氏 純廟七年丙寅生公于晉州沙月里第自  
幼端重如成人 才思日就因父兄敦勸專攻經學 憲  
廟癸卯登丙科第九人未幾付權知承文院副正字甲  
辰七月拜順康園守奉官歷成均館典籍通禮院左右  
通禮 哲廟甲寅五月十五日 純元王后六旬有六  
之 誕辰也設耆老科以節喜 御製詩一絕 命近  
侍諸臣庶載時以右通禮同侍法筵詩曰彤霞盈溢祝  
岡盃長樂清晨獻壽廻聖澤如天涵萬物春臺瑞日法



一安亭記卷之二  
一十五

筵開後 上特賜寶冊一卷以寵之既而呈辭作歸去  
來辭丁巳春移居岵山之陽築草堂三間自號二安亭  
蓋屋後一壑幽深明麗世稱古二安洞因以取義曰安  
心也安分也謝絕世事深自韜晦日處其中左圖右書  
俯讀仰思專精致志心融神會間以吟詠有曰岵岡卜  
築爲林泉緩步尋尋一逕穿新霽水聲深夜後未開花  
意早春前時催頑僕謀耕穫又勸穉兒讀聖賢夢想不  
遊名利際山家誰識有真仙又置金湖別庄於七汀與  
友人遨遊於德川江陶邱臺戊午赴 召拜司憲府執  
義己未以省親呈辭遞歸癸亥十二月 哲廟賓天卽



日登程拜 闕傷痛山陵導完拜軍資監正 高宗甲  
子六月出守保寧洗手爲治無一毫私累公伯申櫬褒  
曰已知儉約誠心懂懂乙丑又褒曰性本謹慎不憚勞  
苦未幾有基之者見遞無盤纏可治行吏房閤之自納  
七十緡乃歸十二月拜執義不赴丙寅八月洋夷犯境  
一國洶洶公方欲奮身赴亂與議討賊而時疹嬰身未  
果焉己而亂平壬申二月拜成均館司藝三月拜執義  
五月拜執義癸酉十二月拜執義甲戌九月拜司諫乙  
亥十一月拜敦寧府都正并不起問又移居于丹城縣  
北新安蓋爲赤壁江白馬山仙遊洞之勝槩與友人優



遊以自樂不知老之將至居無何還于本州之梅花亭  
來往于仙人峯龍門庵泉石之間與友人吟一絕曰青  
藜步白雲懸瀑落紛紛圍坐水聲裏愴然洗我煩丁丑  
四月二十四日寅時考終于正寢享年七十二葬于白  
雲里基洞良坐配晉陽河氏恂女配安東權氏景信女  
子亮浩河氏出也泰浩東浩麟浩女適權廷直權氏出  
也亮浩子曰憲一憲料出系泰浩東浩子曰憲夏憲商  
出系麟浩公賦性溫淳宅心誠慤持身謹慎平日未嘗  
偃臥坐不偏倚行不忙遽雖大風雨雪不變見人冒雨  
而疾趨者曰此雨而彼非雨耶徒喪儀觀也事親至孝



營丁兩艱於數年之間致哀送終一遵家禮情文備至  
易戚兼盡事繼母盡孝雖離居他鄉距十餘里之地至  
白首間日省親祭先盡誠敬必齊沐以致其潔悽肅如  
見于位雖子婦之祭未嘗不與不飲酒不食肉終日戚  
戚焉有憂色過數日乃已伯兄早沒宗姪在胎而父歿  
生二年而母歿單子善病聽官有疾公極力治療坐臥  
臂上者歲餘其濕犯公之臂毒盛致腫少無倦色經理  
家務以至成立治家有法門庭肅然教子弟慈而嚴待  
宗黨和而睦聞人哀慶莫不盡其情曲或有碍未躬則  
書疏替問至於恤孤獨尤有所加意其在郡以愛民爲



主無一毫自私故解絃之後家益凋落簞瓢屢空而處之晏如衣服極其麤惡而只取蔽形飲食薄於自奉而豐於奉先年位俱隆而自居以卑微有愛人之德無上人之心晚年篤好性理諸書沉潛反復研究玩索每靜夜月朗整衿端坐誦心近四子等書訓誨後生提撕善諭使聽之者心開而義自曉雖寢疾中有問者諄諄善諭答問不倦嘗手書格言以誡諸子其目有九曰敦倫叙明義理謹言行動講學節財用戒飲酒遠雜技慾忿怒嚴閨範又曰士則曰家政曰擇友使之服膺遵行嗚呼公之嘉猷懿範不但爲後承之典則亦足爲一世之



矜式卒踰躓未展所蘊命也如之何或有言公歷事三朝爲掌憲者三爲持平正言司諫者各再爲執義者七國恩非不厚矣且時雖昇平豈無一事可言者乎古人云不得爲宰相必爲諫官以其言行道亦行也會無一言疏奏難免尸素之責也竊惟公清介自守足跡未嘗及於權門見世奔競之習朋黨之險因無宦情旣呈辭而歸惟江山泉石詩書經訓爲娛又貽書誡子孫雖有除拜乍進乍退旋授旋免皆非其素志而然也不得於朝則山林而已逍遙於首陽德川之上謁來於新安赤壁之間以寓一生精趣是雖不可謂之行道然歸來辭



所謂聽天樂道者也豈不誠昭儉德於千秋勵素節於百世也哉謹因松庵翁之所述撥拾於灰燼斷爛之餘茲叙世系行治如此

墓碣銘 并序

聞韶金 規

通政大夫敦寧府都正二安亭朴公 憲宗癸卯擢明經登第權知承文院副正字明年七月遷順康園守奉官以次歷成均館典籍司諫院正言司憲府持平掌令通禮院右左通禮 哲廟甲寅呈辭歸戊午召拜司憲府執義己未辭遞癸亥奔 睿陵大喪比及剋襄除軍資監正 大皇元年甲子六月出監保寧縣明年遞復



拜執義不赴壬申二月除成均館司藝三月五月兩拜  
執義癸酉十二月又拜執義甲戌九月轉司諫院司諫  
乙亥十一月陞堂上授都正一併不起粵三年丁丑四  
月二十四日終于所寓之梅花亭距其生 純廟丙寅  
爲壽七十二其自通禮歸也有和陶靖節歸去來辭築  
室峨嵋山陽扁曰二安亭取安心安分之義也有序若  
詩見志因以號焉其守保寧洗手爲治恤民奉公之外  
畧無私營巡使再考俱以儉約謹慎褒題及至遞歸則  
囊乏緡錢賴功曹贈贖纔辦盤纏其廉潔可知又其性  
好恬靜不以宦情自縻故釋褐題籍三十年出仕供職



之日無多而既不以踴躍爲意亦不苟焉以覲成名爲人仁厚質實言行有常度造次顛沛未或變改居家篤於孝慈養生喪死俱致誠禮撫育幼孤尤加惻怛門庭肅然做勅不弛今有家訓十餘篇傳在要之皆格言可法也解紱之後家益凋落往往饔飧不繼布褐襤褸而自處晏如人或譏其疎於世情而故不恤也癖愛山水屢遷其居吟哦優游意常若有所樂者晚年喜讀性理諸書後生多從受教者此其平生始終之大較也公之歿今已八十餘年其族玄孫雨喜以公舊有位望德學不可以泯泯無傳搜括家藏舊籍得公遺詩文及諸稱



述文字都爲一冊而請余勘釐因以玄孫泰砥雨逢之  
求銘其葬在白雲里基洞良坐之山余旣夙聞公名  
蹟於流傳又嘉雨喜君之用心周至輒不辭而勉副之  
公諱公鎮字周仲朴氏系出新羅王子分封密陽爲貫  
高麗時有司憲糾正鉉其派別之祖而韓朝戶曹判書  
松月堂好元中世之顯者也美宦名德前後奕葉松月  
堂之曾孫忠義衛承禧始自京南下居丹城之沙月里  
嗣後亦以閔閔名曾祖繼吾號山水齋祖能煥號誠窩  
俱有學行考基八妣延日鄭氏一采女公兩娶晉陽河  
氏恂女安東權氏景信女四男亮浩泰浩東浩麟浩一



女權廷直妻唯長男爲河出也伯房孫憲一憲料料爲  
仲房后叔房孫憲夏憲商商爲季房嗣外孫曾玄未具  
列繼以銘曰

彼役役乎榮塗決性命以賭資級或察察乎物情較利  
害而就功業夫孰與公壹帥天則赤子之衷爰及老白  
荷衣桂帶寔吾初服矚然無滓歸與眞宅我其銘之匪  
畫伊寶庶來者之有辨母俾混沌而條忽

二安亭遺稿卷之三



跋

二安亭朴公遺詩文今將刊傳而僅止爲一弓蓋甚少矣然得其一隅則其餘善觀者可反之也歟公之沒殆近百歲鄉邦遺老道公眞淳澹泊之狀況如太古大樸之世之人物然者而致慨於公影響之將無可尋也今公諸孫圖所以傳公者不其幸歟公早以明經登第列諸華班不久居辭歸後屢有召拜不就及應保寧監解歸囊空資斧功曹助之則其超於利害情無所役可知也繼之饗飧難保布褐僅蔽而晏然不以爲憂者豈非其在外窮艱未足以亂我天分澹泊之衷也耶蓋聞公之時以疎於物議公而



愚之者不尠噫宜其有是也公之爲公在於物有疎也有疎故無役如有所役安見所謂公者耶世之善謀身敏趨時者多矣謀身而豐其生趨時而固其位自以爲賢以此人觀之奚啻其愚也然其賢其愚自有能辨之者余獨欲諷誦公詩文於無塵無累之界而俯瞰世間名利人之熙攘不息也歲辛亥仲夏密城朴泰坤識

我高祖二安亭府君遺詩文若干身藏篋笥任其蠹蝕先父老之所慨歎而未遑者且將百年族祖立庵公以爲公德行位望可質神明不可無傳嘗責不肖輩門兄雨喜氏繕寫釐整世之立言諸公亦樂爲之稱述以道之蓋府君



實德至行不啻浹洽於當日其遺傳風韻可以興感於歷世之久故諸公之所以眷眷於斯役者能如是也不肖輩晝宵憂懼從弟秦斌再從弟雨達出力求藤而付于活印今將告成矣嗚呼府君酬唱應用之作素非不多屢經六丁之收僅保灰燼之餘只此而已則豈可徒以今日之刊行爲幸也哉然此數篇者舉多訓誡子孫之法規優爲消世之楷範則府君之七分影響足可傳於來後而爲子孫之琬琰故謹書顛末如此上慰先父老之痛恨並謝族祖門兄及諸君子勤護之厚意辛亥仲夏不肖玄孫雨萬盥手謹識



